


# Manmin nga mga Balita

NO. 42 MAYO 4, 2014

## Ang Gugma ug Kalooy sa Diyos nga walay kataposan

Ang kinatibuk-ang pagpangandam para sa Easter Performance 'Tears' sa Performing Arts Committee



“Ako mobiya sa akong kasingkasing alang sa akong mga hinigugma. Ako mag-ampo sa Amahan aron ang Iyang dakong gugma moabot kanila.”

Kini mao ang mainitong pag-ampo sa Ginoo alang sa mga tawo samtang Siya nagbitay sa krus aron sa pagluwas kanila. Ang Performing Arts Committee sa Manmin Central Church nag andam para sa Easter Performance 2014 nga giulohan og 'Tears'.

Ang pasundayag magsugod sa pagkamartir ni Apostol Pablo og sa mga tinun-an ni Hesus nga nagpakabuhi lang para sa Ginoo. Pagpangalagad ni Hesus, paglansang, pagkabanhaw, og pagkayab gipakita sad. Si Pastor Heejin Lee mao ang nagdumala sa kinatibuk-ang direksyon sa 'Tears', siya usab ang Chairperson sa Performing Arts Committee, ug ang Production-Director mao si Elder Seongdae Yang nga designer sa MBC Art Center. Si Deaconesa Jin Lee, administrador sa Performing Arts Committee nagdumala sa musika ug si Deacono Hangu Kim. Ang mga miyembro sa Performing Arts Committee og United Choir nagkahiusang nagpasundayag. Ang mga theater-professionals maoy naghimo sa 'lights and special effects', nga maoy nipasamot sa kanindot. “Sa pag preparar pa lang sa pasundayag para sa pagsaulog sa Pasko sa Pagkabanhaw sa Ginoo, natandog na kaayo ko. Akong gipamalandongan pag ayo ang gihatag sa Diyos aron mapanindot ang tanan og ang among production-team og mga tigpasundayag matinguhaong nangandam,” niingon si Igsoon Seongdae Yang, production-director.

Ang Easter-Performance gihimo matag tuig atol sa 2nd-half sa Friday All-night Service sa dili pa ang Easter Sunday. Nakatandog kaayo kini sa mga manan-aw og nag paila kini sa gugma sa Diyos ngadto kanila. Sugod niadtong 2009, gihimo ni uban ang mga awit og saysay nga hinatag sa Diyos, nga maoy labaw'ng nakatandog sa mga manan-aw.

Tuig 2009, ang pasundayag nga 'Reminiscence' espesyal nga hulagway sa paghandum ni Hesus niadtong didto siya sa Gethsemane sa dili pa ang gabii sa paglansang Niya. Ang 'The Love of Our Lord' gihimo niadtong 2010. Nagtugot kini sa manan-away nga makadungog sa pag pangumpisal ni Maria Magdalena ngadto ni Hesus sa dihang siya nagbintay sa Krus og ang pagpangumpisal ni Pedro nga nisalikway kang Hesus katulo ka higayon sa wala pa siya mag pas-an sa krus.

Ang 'The Way of the Lord', maoy Easter Performance niadtong 2011 nga gihimo uban ang dance-drama sa mga anghel nga nag-uban kang Hesus panahon sa Iyang pag pangalagad, paglansang, pagkabanhaw og pagkayab. Sa pasundayag nga, 'The Name of Love, Jesus Christ', niadtong 2012, si Apostol Pablo nagtigum sa public-ministry ni Hesus og nagkulit sa gugma sa krus. Sa 'The Lord Is the Christ', tuig 2013, si Maria Magdalena, Apostol Pedro og Juan naghandum sa panahon ni Hesus. Ang pasundayag nagpaila sa gugma sa Diyos nga walay katapusan ngadto sa katawhan.

Ang mga miyembro sa simbahan nagbaton sa Pulong og pag-ampo sa matinguhaong dughan para sa Easter Sunday aron maabot ang dughan sa Ginoo. Kining maong Easter Performance nilukup sa entablado sa santuwaryo atol sa ika-2 tunga sa Friday All-night Service niadtong Abril 18, 2014. Ang mga katawhan sa tibuok kalibutan nakatan-aw pinaagi sa GCN ([www.gcnetv.org](http://www.gcnetv.org)).



Senyor Pastor Dr. Jaerock Lee

# Ang Gugma Moantos, Motuo, og Molaom sa Tanang Butang

“Ang gugma mapailubon...moantos, motuo, molaom sa tanang butang og molahutay sa tanang butang”  
(1 Corinto 13:4-7).

Ining kalibutana, walay nasilag sa pulong ‘gugma’. Ang tawo mag malipayon kon ang gugma mopuno diha niya bisan pag lisod ang iyang kinabuhi. Tugbang ini, ang tawo dili makaangkon og tinuod nga kalipay kon wala silay espirituwal nga gugma bisan pag wala silay mga kabalaka nga penansyal sa ilang kinabuhi. Ang gugma dili mapugngan sa tawo apan gikinahanglan nga kini espirituwal nga gugma nga dili gyod mausab.

Ang kinaiya sa espirituwal nga gugma gipasabot diha sa 1 Corinto kapitulo 13. Giingon nga ang gugma moantos, motuo, og malaom sa tanang butang. Karon atong tugkaron ang espirituwal nga pasabot og unsaon nga makab-ot ang espirituwal nga gugma.

## 1. Ang gugma moantos sa tanang butang

Kon atong dawaton si Hesu Kristo magsulay kita pagpakabuhi sa Pulong sa Diyos. Sa pagbuhat ini mahimo kang mag atubang og daghang butang. Kon masuko ka sa uban, mag antos ka nila. Mag antos sad ka nga dili ka matagbaw sa imong gitinguha tungod kay naghunahuna kaman sad sa mga panginahanglan sa uban.

Mao nga ang ‘gugma mapailubon’ sa nahisulat sa unang ilhanan sa espirituwal nga gugma sa 15 ka kinaiyahan ini. Mag mapailubo gyod ta sa tanang sitwasyon aron atong mapalayas ang mga butang nga naa sa atong dughan og magpabiling mapailubon sa pag panglimbasog batok sa atong ‘kaugalingon’. Kini mao ang gipasabot sa ‘pailub’.

Unya, unsa man ang gipasabot sa ‘moantos sa tanang butang’? Mao ang pagdala sa tanang mga kalisdanan tungod sa uban human nga kita nag alima sa atong dughan ngadto sa matuod. Pasabot, ang pag-antos sa tanang butang ining bersikuloha naay lapad nga pasabot kaysa, ‘Ang gugma mapailubon’. Kini mao ang pag-antos sa tanang butang nga dili pinasubay sa espirituwal nga gugma.

Mao kini ang pag-antos sa tanang matang sa daotan lakip na sa mga bakak, unodnon og mga sala. Pananglitan, walay pailub; dili maayo, apan masuk-anon; aroganti; og bangis kining tanan batok sa espirituwal nga gugma. Apil na ang magtinguha para lang sa kaugalingong binipisyo, maglagot, magdumot, malipay sa daotan, kining mga butanga dili nahisakop sa espirituwal nga

gugma.

Dinhi, ang pag antos dili lang pag piog. Apan ang pagpalayas og pagwagtang sa tanang bakak nga naa sa atong dughan. Kini mao ang pagtuli nato sa atong dughan. Kon atong tulion ang atong dughan og palayason ang atong unodnon, dinhi, kita mahimong tawo sa espiritu og mapuno sa espirituwal nga gugma.

Gani, kon atong matuman ang espiritu diha sa atong dughan, ang ekspresyon nga ‘pag-antos’ wala na kinahanglana. Tungod kay kung naa sa espiritu nagpasabot nga atong gihigugma ang Diyos pag-ayo, dili ta makahunahuna og bisan unsa nga batok sa gugma, og labaw sa tanan dili gyod ta mobuhat ini. Og tungod kay wala man tay daotan sa atong dughan, dili ta makakita og sayop sa uban. Kay bisan pa og makabantay ta aning mga butanga ngadto sa uban, ato ra kining sulayan sa pag sabot og pagtabon nila, aron dili ta mag-antos sa bisan unsa.

Giunsa man pagtagad sa tawo si Hesus nga kinsa nianhi sa kalibutan aron pagluwas sa mga makasasala? Ang tanang gibuhit ni Hesus puro kamaayo, apan ang tawo nitamay og nibiaybiay Niya. Sa kataposan gilansang Siya sa Krus. Si Hesus nga mao mismo ang matuod, hilum nga niantos ining mga tawhana. Iya pa gani silang giampo sa pag ingon, “Amahan, pasayloa sila; kay wala sila masayod sa ilang gibuhit” (Lucas 23:34).

Giantos ni Hesus ang tanang butang og ang Iyang gugma ni resulta sa kaluwasan; ang moila Niya nga Siya Manluluwas mahimong anak sa Diyos. Mabalhin sila gikan sa kamatayon ngadto sa kinabuhing dayon. Gihigugma ta sa Diyos, nagpadayon Siya pag ‘antos’ nato og naghulat nga kita mahimong Iyang tinuod nga mga anak.

## 2. Ang gugma motuo sa tanang butang

Kon ang imong dughan nahigugma anang tawhana, motuo ka sa tanan diha niya. Bisn og naa siyay sayop, magsulay ka lang gihapon sa pagtuo niya. Imo siyang makita uban ang gugma tungod kay nagtuo ka nga mausab siya. Kining pagtuoha maoy kamatuoran sa gugma alang sa uban.

Mahimong ingnon nga ang pagtuo maoy saktong sukdanan sa gugma. Mao nga, aron kompletong motuo sa Diyos kinahanglan nga kompleto kang mohigugma sa Diyos. Tungod sa iyang insaktong pagtuo sa Diyos, si Abraham gitawag nga ‘amahan sa pagtuo’

og higala sa Diyos. Ang iyang pagtuo sa Diyos tinuod og walay pagduhaduha si Abraham nituman sa sugo sa Diyos nga ang iyang bugtong anak, si Isaac, ihalad og sunogon. Iya kining mahimo tungod kay siya kompletong nagtuo sa Diyos nga kinsa makabuhi og patay.

Sa giingon, ang gugma motuo sa tanang butang. Katong kompletong nahigugma sa Diyos motuo sad 100% sa tanan Niyang mga pulong. Dugang pa, tungod kay sila nituo sa tanang butang, sila moantos sa tanang butang. Aron makaantos sa tanang butang nga batok sa espirituwal nga gugma, kinahanglan nga kita naay pagtuo. Pasabot, nga kon kita nituo sa tanang pulong sa Diyos makahimo ta sa pagtuli sa atong dughan, makapalayas sa tanan nga batok sa gugma, og unya makalaom sa tanang butang.

Giunsa ta pag higugma sa Diyos? Iyang gihatag ang Iyang Bugtong Anak para natong mga makasasala. Iyang giabli ang dalan sa kaluwasan. Dili tungod kay kita ang unang nahigugma og nituo Niya. Apan ang Diyos ang unang nihigugma nato, og pinaagi sa pagtuo niini, nahigugma kita sa Diyos sa nahisulat sa 1 Juan 4:9-10. Sa pinasugdan, nahigugma kita sa Diyos pinaagi niini, apan kung atong labaw’ng maangkon ang espirituwal nga gugma, atong maabot nga kita kompletong motuo tungod kay kita nahigugma.

Dako kaayog posibilidad nga atong matuman ang espirituwal nga gugma kon atong mapalayas ang tanang bakak diha sa atong dughan. Katong nakaangkon sa espirituwal nga gugma kompletong motuo sa tanang tawo. Bisn pa og ang tawo naay daghang sala og mga sayop og murag dili kasaligan, ang katong naay espirituwal nga gugma makakita nila diha sa pagtuo. Og ilang makita ang ilang kaugalingon pinaagi sa mata sa pagtuo. Dili sila mapakyas sa ilang kaugalingong sayop apan motuo ra sila sa malahutayong gahum sa Diyos. Ang Espiritu Santo perming mo sulti sa atong duhan nga “Makahimo ka ana” og atong mahimo ang mga butang sigon sa atong gituohan.

## 3. Ang gugma molaom sa tanang butang

Usahay ang tawo mousab sa kinaiya sa uban tungod kay dili sila ganahan sa ubang pamaagi. Apan kon sila magsumpaki nga dili moila sa mga ginagmay’ng butang nga mahitabo, para nila walay pulus ang pag

bag-o sa ubang tawo. Mao nga, imo gyong sulayan ang pagbag-o sa imong kaugalingon kaysa imong gustohon nga bag-ohon ang uban. Imo usab silang tan-awon uban ang gugma.

Sa paglaom sa tanang butang mao ang pag pangandoy og paghulat sa tanang butang nga imong gituohan nga mahitabo. Kung nahigugma ka sa Diyos, motuo ka sa tanang Niyang mga pulong og maglaom nga ang tanang butang mahitabo pinasubay sa Iyang Pulong. Naglaom ka sa mga adlaw nga imong maambit ang gugma sa Diyos Amahan, sa walay katapusan didto sa nindot nga langitnong gingharian. Mao nga imong giantos ang tanang butang og nagdagan sa imong lumba diha sa pagtuo.

Bisan pa, ang mga kalibutanhong tawo nga walay paglaom sa tanang butang diha sa pagtuo walay paglaom sa langitnong gingharian. Tungod kay wala man silay paglaom, ang ilang kinabuhi matapos usab kon ang ilang kalibutanhong kinabuhi mahuman. Maglingaw lang sila sa unodnong mga butang. Tungod kay wala man silay tinuod nga katagbawan, magpakabuhi sila matag adlaw nga anaa sa kalisdanan og walay klarong tinuod nga paglaom. Hangtod sa kamatayon, magpakabuhi sila matag adlaw nga naay kahadlok sa umaabot.

Sa laing bahin, katong nituo sa Diyos og naglaom sa tanang butang makasulod sa sigpit nga dalan sama sa nahisulat sa Mateo 7:13-14. Sa 1 Corinto 15:19 si Apostoles Pablo niingon, “Kung ang atong paglaom kang kristo kutob ra ining kinabuhia, kita nay makaluluoy sa tanang mga tawo.”

Sa mga hunahunang unodnon, ang pagka kristohanon og ang estilo sa kinabuhi lisod. Para sa mga dili magtutuo ang atong dalan lisod. Apan natong mga magtutuo, kini mao ang malipayong dalan tungod kay mao kini ang agianan sa nindot sa Langit nga walay katapusan. Sa gipasabot na, ang gugma malahutayong maghulat og maglaom sa tanang butang hangtod nga ang tanang gituohan mahitabo.

Mga kaigsuonan, ang Diyos naghulat nga ikaw makakab-ot sa espirituwal nga gugma og mahimong Iyang tinuod nga anak. Para Niya ang linibo ka mga adlaw sama ra sa usa kaadlaw. Mao nga mahimo tang molantaw sa tanan uban ang pagtuo og moantos sa tanang butang. Ako mag-ampo sa ngalan sa Ginoo nga pinaagi sa pagbuhat niini makadala ka og daghang kalag ngadto sa kaluwasan.

### Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihog sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).  
“Ang kaluwasan makaplagn lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin** nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminministry@manmin.org  
Publisher: Dr. Jaerock Lee  
Managing Editor: Geumsun Vin

## Ang Probidensya sa Diyos og Gugma nga Lakip diha sa Kahoy sa Kaalam sa Maayo og Daotan

Nakat-on ko nga ang unang tawo si Adan, og Eva, nadaot tungod sa pagkaon sa gidili nga bunga sa kahoy sa kaalam sa maayo og daotan. Ang diyos nasayod og makagagahum sa tanan, mao nga kahibaw siya nga mangaon sila sa bunga. Apan bisan pa, lya gihapong gibutang ang kahoy didto. Ngano man?



# A

Ang uban moingon, “Nganong gibutang man sa Diyos ang gidili nga kahoy og nitugot nga si Adan maadto sa dalan sa kamatayon?” Ang uban moingon pa gani nga wala tingali mahibalo ang Diyos nga si Adan mokaon ato. Apan dili kana mao.

Una sa tanan, ang Diyos nahibalo nga si Adan mokaon sa bunga sa kahoy. Mao nga lyang giandam daan ang dalan alang sa kaluwasan sa tawo bisan wala pa gani Niya himoa ang tanan. Daan na Niyang giandam si Hesu Kristo.

Atong tugkaron ang probidensya sa Diyos og gugma diha sa kahoy sa kaalam sa maayo og daotan.

### Human sa pag kaon ni Adan og Eba gikan sa kahoy sa kaalam sa Maayo og daotan sa ilang kaugalingong kagustohan

Sa kaabunda sa Garden of Eden, si Adan ang unang tawo, nakakat-on og daghang espirituwal nga kaalam sama sa mahitungod sa Diyos, sa espirituwal nga gingharian, matuud, kamaayo, og sa kahayag. Gihatagan sad siya og kaalam nga igong maka dumala sa tanang butang. Siya nagmando sa tanang binuhat og tanang butang sa kahibulongang kaalam og kahibalo sama siya nga ilang ginoo og nanganak siyag daghan (Genesis 1:28, 2:19, 3:16). Bisan pa, ang Diyos nagdumili niya sa usa ka butang ang pagkaon gikan sa kahoy sa kaalam sa maayo og daotan nga naa sa tunga sa Garden.

Sa Genesis 2:16-17 mabasa, “Ang Diyos niingon sa tawo, makahimo ka pagkaon sa mga bunga sa tanang kahoy sa tanaman gawas sa kahoy nga naghatag sa kahibalo unsay maayo og unsay daotan, kon mokaon ka niini, nianang adlawa mamatay ka gayod.”

Ang Diyos nihimo ni Adan og nihatag niyang kagawasan nga siya makadisyon nga dili mag agad. Gitugutan siyang magpakabuhi sa Garden of Eden, nga diin naa ang tanan. Apan tungod kay siya hinimo gikan sa yuta og nahimong buhing espiritu pinaagi sa paghuyop sa hangin sa kinabuhi, dili niya matagamtaman ang kinabuhing dayon kon siya mosupak. Aron iya ning mahinumduman, gibutang sa Diyos ang kahoy sa kaalam sa maayo og daotan.

☪

Si Adan og Eba wala mokaon gikan adtong kahoya aron pagsunod sa Diyos. Apan sa paglabay sa panahon, napakyas sila sa pagsunod sa sugo sa Diyos. Si Eba gitintal sa bitin nga iyang nasuod. Sa pagkatintal, boluntaryo siyang nikaon sa bunga niadtong maong kahoy og nanghatag ni Adan. Og si Adan nikaon sad. Tungod ini, magbayad sila sa sala sama sa giingon sa Diyos nga mamatay gyod sila og pinasubay sa espirituwal nga balaod ‘ang bayad sa pagpakasala mao ang kamatayon’ (Roma 6:23).

Ang Diyos niingon, “Sa adlaw nga mokaon ka gikan ana mamatay ka gayod.” Ang kamatayon dinhi nagtumbok sa pagkamatay sa espiritu, ang master sa tawo nga sinakpan sa espiritu, kalag og lawas. Og ang pagkamatay sa espiritu wala magpasabot nga mapoo, apan ang kumyunikasyon ngadto sa Diyos mapig-ot og tungod ini dili na mahimo ang original nga tahas. Og kon ang usa ka espiritu mamatay, ang iyang lawas mag atubang sa kamatayon.

Ang kalapasan ni Adan maoy hihungdan nga siya tinunglo. Dugang pa, mao kini hinungdan nga ang iyang kaliwatan mahimong mga makasasala og magun-ob. Bisan ang tanang binuhat dinhi sa kalibutan nga ubos sa pag kontrola ni Adan nga tinunglo usab, nga maoy hinungdan nga siya maghago pag ugmad sa yuta (Genesis 3:17). Sa tinunglo nga yuta daghang moabot nga mga sakit og kini makadaot sa mga living-things. Ang katawhan nag antos sa mga pagsulay og pagsukod nga gidala ni satanas. Ang bitin mas labaw’ng tinunglo sa tanang mga mananap og nag kamang sa iyang tiyan (Genesis 3:14).

### Ang gugma sa Diyos diha sa paghatag og tinuod nga kalipay Pinaagi sa pagtugot nato nga maka eksperyensya sa tugbang niini

Unya, nganong gibutang man sa Diyos ang maong kahoy didto sa tanaman? Aron kita mahatagan sa tinuod nga kalipay. Ang Garden of Eden nga gipuy-an ni Adan nindot nga lugar og malinawon nga naa ang tanan, apan dili niya mabati ang tinuod nga kalipay. Tungod kay wala man niya ma eksperyensya ang kagulan-an. Wala niya ma ilhi ang sakit, kamatayon, o aksidente, og wala niya mabati ang kalisdanan og kagulan-an. Wala siya mahibalo kon unsa ang panag bulag tungod kay wala may kamatayon.

Ang tawo makahunahuna sa tinuod nga balor kon sila maka eksperyensya sa tugbang niini og diha na nga maka balansi na sila. Atong masabtan ang tinuod nga kalipay kon naa ang mga kalisdanan. Sa pag antos sa mga sakit, mahibalo ta nga importante ang kabaskog og mahinangop ini. Kon atong maagian ang kagutom makahatag ta og tinuod nga pasalamat sa daghan nga pagkaon. Atong masabtan ang balor sa kamaayo kon atong ma eksperyensya ang daotan og unsa ka bililhon ang kahayag kon moabot ang kangitngit. Kon dili mahibalo sa kakabus, ang usa dili makahatag og pasalamat sa kadato. Kon walay pagdumot, ang usa dili maka matikod og unsa kanindot ang gugma.

Si Adan nagpuyo sa tanaman nga walay kagulan-an. Wala siyay abilidad nga makaila sa tinuod nga kalipay nga iyang gipahimuslan. Tungod kay wala man siya makakita og kamatayon, dili niya masabtan ang tinuod nga pasabot sa Pulong sa Diyos, “Kay sa adlaw nga mokaon ka gikan ini mamatay gyod ka.” Si Adan gihigugma pag ayo sa Diyos mao nga gihatagan siya sa tanan. Apan wala niya mabati sa iyang dughan ang pag pasalamat.

Apan human nga siya nakasala, si Adan gipapahawa sa Garden og naka eksperyensya sa daghan nga pag antos. Gigutom siya, gikapoy, og iyang na eksperyensya ang pagkabulag, kaguol, og kasakit tungod sa sala. Tungod ini iyang nahibaw-an kon unsa ka nindot didto sa tanaman. Sama sa gipasabot, ang mga binuhat dili makahunahuna kon dili maka eksperyensya sa tugbang niini nga mga butang. Mao nga gitugot sa Diyos ang kahoy sa kaalam sa maayo og daotan didto sa Garden of Eden aron ang katawhan makasabot sa ingon.

☪

Kita mga kaliwat sad ni Adan nga hinimo gikan sa yuta, mao nga ato lang mabati kon unsa ka nindot ang langitnong kinabuhi human sa proseso sa human-cultivation. Sugod nga kita makabati sa atong dughan kon unsa kanindot nga makapuyo sa Langit diin didto walay sala og kagulan-an, kita magmalipayon nga magpakabuhi uban ang pasalamat sa Diyos sa Iyang paghatag nato sa Langit.

Mao nga, katong modawat ni Hesu Kristo og magpakabuhi sa tinuod nga pagtuo og paglaom para sa Langit mapasalamaton og malipayon sa bisan unsang klasi sa kinabuhi dinhi sa kalibutan (2 Corinto 4:17-18). Kon atong mahunahuna ang gugma sa Ginoo nga maoy nisulbad sa problema sa atong pagpakasala, kita magmalipayon sa tinuod nga kalipay sa paglaom para sa Langit.

## “Human nga naayo sa pneumothorax, labaw kong nagdayeg sa Diyos”

Ang akong tuo nga gusok nabali og ang akong baga nadaot niadtong 2003 mao nga naa koy chest-tube. Magpangita gyud ko og medical-treatment. Dili ra ang akong lawas masakiton apan sugmuyo sad ko espirituwal, mura ko og uga nga yuta. Tungod ini magbasa ko og daghang libro gikan sa mga iladong pastor og mag-ampo. Apan bisan sila naay temporaryo nga positibong impluwensya, ang akong kauhaw espirituwal wala matagbaw.

Enero 2010 nakakita ko og libro ni Dr. Jaerock Lee ‘Spirit, Soul, and Body’ didto sa akong bayaw nga si Deaconesa Sunok Lee, og ako ning gibasa. Ang libro naghisgot sa New Jerusalem (Gipadayag 21:2), ang plano sa Diyos para sa ‘Human Cultivation’, og sa tibuk espiritu (1 Tesalonica 5:23) nga wala pa gyud nako madungog. Nahibulong kaayo ko. Pag Hunyo 2010 nagpa rehistro ko sa Manmin Central Church nga gipangalagaran ni Dr. Lee og akong gisugdan ang pag bag-o sa akong Kristohanong kinabuhi.

Ako nga usa ka gospel-singer nahimong usa ka soloist sa simbahan sa Performing Arts Committee. Apan naa koy problema. Samtang nag andam sa special-song nga akong regular nga himuon kada worship service, nakaangkon ko og respiratory-disease. Mapagaw ko og magsalig nalang sa tambal. Nagsigi kini og naulaw ko sa akong kaugalingon tungod kay wala koy pagtuo nga gipakita sa simbahan nga pirming nagpakita sa gahum sa Diyos.

Determinado ko nga makalabang sa maong pagsulay. Sa dihang nag andam ko para sa ‘special performance’ nga himuon niadtong Disyembre 6, 2013. Giubo ko og gi plema og nagka grabe kini. Naa koy hemoptysis og nisakit ang akong dughan murag gitulosok og kutsilyo. Apan wala ko moadto sa hospital tungod kay ni disisyon naman ko nga magpaayo pinaagi lang sa pagtuo. Gi ampoan ko ni Mrs. Boknim Lee, presidente sa Manmin Prayer Center og ni Pastor Heejin Lee, Chairperson sa Performing Arts Committee. Unya maayo ang akong paghalad sa maong special-song.




Deaconesa Sunwoo Lee  
(49 anyos, 1-2 Parish, South Korea)

Aron kompletong maayo pinaagi sa pagtuo, nagpa eksamin ko og klaro sa hospital. Ang Chest CT nagpakita nga ang akong tuo nga baga abnormal og naa koy recurrent-pneumothorax (ref: kini abnormal nga koleksyon sa hangin o gas sa pleural-space nga niuwang sa baga og sa chest-wall nga maoy mobalda sa normal nga pag ginhawa.) Human ana, akong gisusi ang akong kaugalingon og nag hinulsol hangtod nga si Dr. Jaerock Lee niabot gikan sa prayer-mountain.

Naghinulsol ko tungod kay gusto kong magpasigarbo sa akong kaugalingon og nangita ko nga daygon sa akong mga kauban sa simbahan tungod sa akong pagkanta. Unya akong giandam ang akong kaugalingon nga modawat sa iyang pag ampo aron maayo. Pag Disyembre 29, 2013 matinguhaon kong ni dawat sa iyang pag ampo. Diha dayon wala nako ubha og ang plema nigamay. Og sa sunod adlaw wala na gyud. Lipay kaayo ko.

Nakadawat ko og kasiguroan nga ako naayo nibalik ko sa doktor pag Enero 15, 2014. Ang akong doktor nisulti sa maayong balita, “Ang Pneumothorax nawala na. Lempyo og maayo na ang imong baga.” Hallelujah!

Akong pasalamatan og himayaon ang Diyos nga maoy nag-ayo nako sa akong ‘chronic lung disease’ og nitugot sad nako nga ako baskog nga magdayeg sa Niya.



▲ Sa wala pa ang pag-ampo (Disyembre 9 2013): pneumothorax sa tuo nga baga (yellow-arrow)  
▲ Human sa pag-ampo (Enero 15 2014): walay pneumothorax, normal

Igsoon Rajendra Prasad  
Bist sa Malaysia

## “Ang talagsaong lihok nahitabo sa akong cell-phone human nga ako kining gipamutangan sa mga sermon!”



Natawo ko sa Hindu nga pamilya sa Nepal, og nagtubo nga nagsimba sa mga idolo. Apan akong gidawat ang Ginoo ubos sa grasya sa Diyos. Karon malipayon ko sa akong kinabuhi.

Septembre 2013, niadto ko sa Kathmandu, Kapital sa Nepal aron magkuha og ‘visa’ para Malaysia. Ni estar ko sa akong iyaan duolan og bulan. Nagtrabaho siya sa Manmin Mission Center, Nepal (Pastor Grace Lee).

Nisugid siya nga si Dr. Jaerock Lee, Senyor Pastor sa Manmin Central Church sa Seoul, nag-antos sa daghang sakit sulod sa 7-katuig og kining tanan naayo sa dihang siya nakaila sa Diyos. Sa pagpaminaw naghunahuna ko nga ang Diyos buhi gyud.

Unya, nagsugod ko og basa sa Bibliya og ningadto sa Manmin Mission Center, Nepal. Naminaw ko sa mensahe og nag ampo.

Sa wala pa ko moadto sa Malaysia. Nag butang ko og sobra sa 80 ka mga sermon ni Dr. Lee sa akong cell-phone. Didto sa Malaysia, maminaw ko og sobra sa 5 ka sermon matag adlaw sulod sa unang simana og nag ampo sobra sa oras kada adlaw. Og napanalanginan nga makatrabaho sa ‘Hero Supermarket’. Sa malipayong dughan, akong gilain ang ikapulo sa akong kita.

Mga usa ka bulan, akong na eksperyensya ang kahibulongang butang. Si Hesus nga nagbitay sa krus nakita sa akong cell-phone screen. Uban ini, ang 5-ka minutong pag ampo nigawas sad unya ang mga

pagdayeg. Pagkahuman akong nahibawan nga ang 5-ka minutong pag ampo iya ni Dr. Lee. Tungod kay wala may mga litrato o mga imahe sa Jesus-crucifixion sa akong cellphone, nahibulong kaayo ko.

Mapasalamatan kaayo kong naghunahuna sa gugma sa Diyos nga nitugot nga akong maangkon ang maong eksperyensya. Nagsigi ko og paminaw sa mga sermon nga naa sa akong cell-phone og akong nakat-onan ang gugma sa Diyos og sa Ginoo. Nagmatinud anon ko sa akong trabaho og naghimog maayo sama sa gitudlo ni Dr. Lee nga i-konsederar ang ubang tawo og hatagan sila sa kamaayo. Og nailhan ko sa akong trabaho, nga gipatas-an ang akong sweldo. Hallelujah!

### Mga Sangay ng Ministeryo ng Manmin sa Pilipinas

#### Manila Manmin Holiness Church

441 Patato St, J-Figuera  
Sampaloc, Manila, Pilipinas  
Pastor Peter Bae  
Pastor Lucy Lee  
2-735-1423

#### Bataan Manmin Holiness Church

067 Daang Bago, Dinalupihan,  
Bataan, Pilipinas  
Pastor Peter Bae  
0910-262-5465

#### Isabela Manmin Holiness Church

Purok 3, Brgy, San Roque, San  
Mateo, Isabela, Pilipinas  
Pastor Peter Bae  
Pastor Lucy Lee  
0905-649-1120

#### Cavite Manmin Holiness Church

5 Lot 33 Bk 1, Canutuhan (tenant),  
Santiago Gen.Trias, Cavite, Pilipinas  
Pastor Sharon Cho  
046-850-3193 /  
0916-674-3903 /  
0905-319-8191

#### Imus Manmin Holiness Church

Blue Bell St. Plaridel III Sub.  
Bayan Luma 7, Imus Cavite,  
Pilipinas  
Pastor Jubeom Kim  
0927-311-7633

#### Cebu Manmin Holiness Church

LOT N. 402 - B-4  
Looc Along Side The Canjulao  
Road, Lapu-Lapu City Cebu,  
Pilipinas  
Pastor Rossetta Sung  
0921-635-7595

#### Davao Manmin Holiness Church

301 Ilang Ilang St. Flores  
Village, Bangkal, Davao City,  
Pilipinas  
Pastor Kathryn Kim  
0908-635-2714